

大清光緒十三年

本館新聞除禮拜外日出一  
紙諸君賜閱本報者無論  
本埠外埠均可函致本館取  
閱如外埠閱報照加寄費不  
也除日報照常刊送外復不  
惜工本從英國採辦釘書裁  
紙各機器以待與各官商  
刊印書籍單件並有英法各  
體活字及各式花邊等延有  
西人印工藝甚精所有中  
西文字均能刷印並有石板  
印字大小機器均用精工刷

第一千七百七十七號

# 申報

本館開辦於光緒十三年五月廿五日

印工總辦倫前延有文士書  
寫各體文字現由上海購到  
各種書籍出售其書目另行  
刊佈所有各項價甚相宜再  
本館所登來札原擇其有關  
世道人心者附登否亦須無  
礙於人而後始錄其有謬屬  
成文以及支離難解者概不  
登報嗣後諸君來札尚祈  
自諒更須寫實里而後敢  
登但來稿登與不登均不能  
將原稿收回也 本館謹白

丁亥八月廿六日

凡刊報者每月一元每張五仙(大英一千八百八十七年十月二十二號禮拜三)凡印告白第一日每一字一仙第二日以下每字半仙

本館佈啟 ○啟者本館所刊來札須要書明姓字而後敢登業已列明前首上... 諸君近口  
所寄到來函囑登本報多有諱其名姓彼詩文等類以筆墨為消遣者猶有可原乃有涉及時事者亦自諱  
其名似此照例實不敢為之登報茲特再為詳告嗣後 諸君有來札囑登本報者務宜明示姓名始收  
之列報或有不欲沽名特為諱去者當可另用外號以登報紙而所投本館之信亦須寫明名姓似此方合  
體裁若但用外號是為匿名實有礙難登報也茲特佈告 閱者諒焉 本館謹啟

## 論誠實乃為人之本

天下之事紛紜繁曠何止千端萬彙然察其成敗得失之機則皆由於誠偽之分而已以發於國政則公私  
之別也以見於人品則善惡之判也以顯於學術則邪正之區也以著於工藝則巧拙之異也推而至於君  
臣父子夫婦昆弟友朋之間其忠悌孝逆和乖悖忤信詐無不立見今夫木之大者凌霄漢戰風雨蒼皮黛  
色千年尚新然溯其始則一粒種子託根於地中者而已川之洪者激田野泛濫離萬古不息百折不絕然  
探其源則一道活泉傘湧而出耳是知種子者木之誠也活泉者川之誠也惟其有是誠所以成其大於物  
且然而况人乎哉人苟有一片之誠存於胸中則雖若甚微不可見而實為萬善之根源可以修藝事可以  
植學識可以治民人可以交神明以之事君則忠以之事父則孝以之處夫婦則順以之待昆弟則愛以之  
交朋友則信而不欺敬而能久五倫之中人可終身無事君之日然其忠君愛國之心同仇敵愾之念無一  
日不往來於胸懷無他由其誠之素具也其餘則皆盡人之所同有也必也父子兄弟兄弟夫夫婦婦  
而後家道克正非由誠之一字磅礴鬱積貫於中而發於外安能之哉友朋一道直與此數者而並重乎之  
以信即決之以誠也慨自交道之衰人心之險平日酒食戲游相徵逐不必臨利害遇事變小有不足杯酒  
未乾謗毀之來已不為之少留餘地幾於榜之通衢藉以快其私惡嗟嗟此翟公所以習門劉孝標所以著  
廣絕交之論也夫朋友有過面規之可也即或獲罪於已明告之而與之割席使彼愧而自悔斯不失為三  
代直道之風如出於含沙射影復奚言哉誠之外所以佐之者曰慈曰信曰剛毅或謂南洋之中凡旅於此  
者較在內地之人更深閱歷歷既熟則猶詐易生即不然險阻艱難身已備歷故知客途之苦求財之難  
而於朋友之情因而或忽解衣推食之義排難解紛之俠皆不肯為甚至作數日之居停通一時之緩急猶  
不可望雖非盡人如是而犯寡恩絕情之弊者已實繁有徒此說也容或有之而亦未必盡然或由誠者過  
激耳竊謂一人之身與其有才有不如有學才則由於天授學則由於已修學足以變化氣質有才有美而又  
有學之純以濟之斯才乃足貴矣昔人有言才自誠出斯為真才才不出於誠不得謂之才有誠斯有才今  
人不患無才惟患誠之不至斯言可為世間才人作清夜百八之鐘聲誠之功效其著於日用行為者曰強  
忍曰自勉曰謹慎小心曰善承機會曰不忽小事曰自能解悟功業由此而成根基由此而立推其本不外  
一誠之所發而已何謂強忍忍欺侮之迭乘權辱之屢至難貧賤之常值危疑譏謗之頻來惟當順受之甘  
處之斯能忍矣夫人之事業每成於有所勉而敗於有所安今既橫逆之來如環伺左右則矢勤矢慎常有  
戒心即欲少為踰閑而不敢孟子曰無敵國外患者國恒亡蓋言安樂則情易流於自滿不免於驕奢而事  
功遂於以壞也語云揚湯止沸不如去火抽薪苟能自問於心了無所愧則雖人言藉藉極於不堪而日久  
自知月旦之評原有定論悠悠之口又何惡焉而當其強忍之時已不知省多少過立多少有益之事矣此  
強忍之效也 此稿未完

## 英彭定約

○本坡國家與彭亨議約一事前經列報刻聞因彭王付書請罪此約業已定議輕備  
制府委原辦委員思里弗及委員多羅二人於二十日乘坐荷士北官輪前往按思里弗即前者奉命護送  
彭王介弟回國之員也迨該員抵彭之際彭王陳兵列隊在北干都城迎迓城中高懸英旗以示與英和好  
之意並陞炮廿一門致敬禮畢王乃取英彭所立之約親行畫押自後英國即認王為彭亨蘇丹迨約事已  
畢多委員乃齊約回叻於廿四日已抵叻中即交衛制軍畫押進行諒此事不日議政局開議時制府必將  
與彭亨往來函信當眾宣讀適時再將會議情形當行詳報

將案作為證據... 律政司以索原... 傳字通知將此案再行上控云

摩得哥事電音 ○廿二日英京發來電云摩得哥國之蘇丹業經獲現西班牙國已預備兵軍前往該國以保護西班牙商民在摩之利益而英國及各國亦皆出令驅艦戰船駛赴該處以保護其國商民云云按摩得哥一國係附近亞非利加洲國中之人皆奉回教向為自主至其王因何獲逐則電報未報道及然若平當國王獲逐則新君嗣位何須備兵前往以保商民大抵其中或有變亂之端以故始撥兵軍前往亦未可知也

德法電音 ○廿二日法都發來電報云德國駐法公使文士打現已奉德廷之命親送德金五萬囑與法國外務大臣以為撫卹之費蓋因德國管理山場人員以鎗傷法員之事也德公使并與法大臣謂做朝廷之意則償款後更備國書於法廷以慰死者之魂而誌其心之憾云

展期押解 ○潮人許保等被執 案前經制軍訊定命將諸人驅逐出境刻聞案中諸人惟陳大狗林亞相驅逐外所餘李亞會許亞保李鴻江三人現在尚留坡中未經起解蓋因尚有案件與此諸人有涉須留叻以備審訊云

停工改期 ○本坡洋行等向章於各禮拜六日則停工半日蓋以是日為郵船啟行之期俾執事諸西人得以書寫函信也現已將交秋老風勢漸更而郵船過叻不能仍照前期故本坡銀行及西商等已定議改期於每禮拜三日停工俾各西人得便於郵務而禮拜六日則仍照常開辦云

施制軍來叻定期 ○施制府來叻之期前已迭據郵電各音登報茲復接西廣總來郵信云施制府已定於西本月十九號即華九月初三日乘坐法國惡士郵船來叻以履新任云

天財廣集 ○刻本坡俄士鄰洋行接悉小呂宋發來電報云西去月之呂宋票業經開號計頭彩係三萬一千八百六十七號得銀四萬元二彩係三萬一千八百六十八號得銀一萬五千元三彩係九千五百九十八號得銀一萬元四彩為一萬七千一百三十八號得銀五千元按此次所開票號為從來所未有之奇其頭二彩之號數相連不隔一位是已足異且聞頭二彩皆為一人所得是真可謂夢想不到者得非受天所賜曷克臻此

蕩婦快報 ○某氏婦諱其名字里居有河間婦之風桑間漢上之游視為輕車熟道大吧窰有某屋固露水姻緣之窟宅也主人某甲慣作此中風氣使者與婦相識因從而招致焉婦雖好作浪遊然薄饒於資故銀環之飾亦殊不儉有惡少年某乙知婦之富思有以圖之乃於廿日至甲處使人招婦至婦以為金夫既降乃加意趨承携手入房須臾乙竟奪婦之權石耳塞及其絲襪啟門而出婦以無衣蔽體羞不敢出惟有嗚聲而呼迨甲聞而出視則乙已出門甲乃至婦所問婦何為至則見婦情形不禁且羞且笑婦不得已明言其故時乙已不知逃至何方矣噫婦之淫蕩實為世道之憂則其受此惡報亦為自取夫又奚惜焉

小販行竊 ○粵人王某以小販為生廿二日荷生果一籃至牛車水順華樓娼寮沽賣時諸妓多已午睡有鏡奩一具置於房外巷中王見之四顧無人即起盜心攫而置諸籃中下樓欲遁時適有傭傭一人從梯而上適與王相遇見王筐內貯有鏡奩一具以布覆之而不能全掩猶露其一角知為行竊乃呼問何為時王已急足出門媼從後鳴捕拘之遂為巡差執獲二十三日係屬星期故猶未經府尊提訊云

馬車傷人 ○廿三夜八點餘鐘有家用馬車一輛道經安養樓門前時有閩人某年已五十餘耳目龍鍾不知趨避遂為馬車所碰臥於地中昏不知人受傷甚重時該處適無巡差察至無人敢救迫閱半點鐘始有巡差道過見之乃將傷者昇赴醫院調治云

婦人水性 ○潮人陳姓家寓梧槽娶婦某氏固粵人也適陳以來向無他過近陳有族人某來勸欲謀工僱陳乃留居家中詎婦見其族人玉貌青年頗生傾慕因與之有染既而恐陳知覺遂於二十一日乘陳他出相與私逃迨陳歸而始知乃四出偵尋始將其族人尋獲陳固長者念罪非由族人所致因薄責其不應并誠自後無復乃爾因買船單着其回里而婦本屬不貞有如破甑則已置諸不問云


技妙入神 ○昔左太冲作三都賦洛陽為之紙貴未聞有丹青燈價貴等連城者安椒宋福齋明府素善繪事為各大憲所賞識前歲法人就款後 皇太后勅下臺撫劉中丞將基隆滬尾履勝情形繪圖進呈中丞即厚聘明府到臺按其形勢敬謹畫就仍委明府實送北洋由直隸總督李傅相轉呈 御覽先蒙傅相逾格垂青並許明後從優保說者榮之謂唐時吳道子奉勅畫嘉陵山水一時聲價頓增十倍今明府當可後先媲美明府尤工寫真筆之處栩栩欲活凡在臺需次人員均以其繪相為榮云

體制宜遵 ○朝鮮擬派使臣駐紮歐洲各國一經列前報現聞督辦朝鮮商務袁觀察請示於總署經總理衙門王大臣議照西洋屬國通例朝鮮使臣赴各國呈遞國書時由中國使臣帶見其見中國使臣擬用銜帖公事用申文以符體制刻已電達朝鮮國王矣又聞朝鮮遣使之舉實由美國醫生贊成但該醫生不專以自強而導以自主不度德不量力不值一晒而國王之輕聽無知亦見一斑前聞朝王所派之使臣日來紛紛告退未審的否

啟者本公司製造廠開設在嘉坡直落亞逸尾地方交易多年專造一切靈  
巧機器火鋸火鋸放大磨粒之器具及大小輪船汽機鍋爐前各項新式鋼鐵  
器皿一應俱全無不堅固耐久極便合用請六甲地方本公司開設有分廠並


機

爐




代中西工師修造各種損壞機器工價格外公道如有 貴客賜顧者請至本  
廠口議特此佈聞 西一千八百八十一年十二月廿六號 德來安公司啟

白告司公堅士亞活侯



啟者本公司向來開設本坡久為中西 商翁所賞識茲承英皇及本公司之命託本公司為該公司駐叻代  
機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海  
內 諸商翁知悉該公司向來 開辦英京歷久無異素為英國人所賞識不特為英國人所賞識又為鄰國  
所賞不特為鄰國人所賞識兼且為天下各國人所賞識蓋因該公司立心持平交遊盡善物料既美製作精  
所以能邀美譽於本國鄰國及天下各國者皆為此也現計該公司所製造之機器甚多筆墨難以盡述更僕不  
可備數現親至該公司目擊斷不能備詳所見茲不過略舉其大概言之亦存什一於千百中之意耳至該公司  
現擬運到本公司存貯代售其中件欸堆積如山即不可枚舉茲因篇幅太狹不能盡錄以 諸商翁肯垂  
擇其要而通行者略登報端以為 諸君採擇焉如水厚水筒皮帶等其價較別家稍為相宜而貨亦視別家為  
特妙請 諸君移玉到本公司一觀真有所聞未盡所見之概不啻遊山陰道中令人接應不暇矣至於本公司  
又有製造做大薯之機器以及水厚等各機器亦是名目太多不能備列謹此奉告尚祈實然賜顧為慰 再本  
廠現運至工部局貨倉左鄰 諸君光臨請移玉趾是荷  
大英一千八百八十七年三月一號 侯活亞士堅公司謹啟

出酒蜜



啟者本行由歐洲辦到上等密酒  
來叻發售其酒甚佳茲將標頭印出  
諸君光顧祈為細認免致有誤倘  
有無恥之徒假冒本行鎖匙標者本  
行定必嚴為控究再此酒不能販往  
加勝吧 三寶 泗里末  
望加錫 檳榔嶼 日裡等處其  
他各埠均能運往並此佈聞  
一千八百八十六年十一月十  
號 明賜也洋行謹啟



中外眾國有限保險公司

啟者本公司總局設在香港多年備  
有資本銀二百萬元已先收股份人  
來銀五十萬元及餘存銀六十萬元  
在叻係本行代理承保各商貨物銀  
兩船隻輪帆來往各埠與保單扣用  
照例所有花紅之銀俟結賬之後按  
股分派前一千八百七十八年一  
千八百八十年每股得利息銀計五  
八仙又一千八百八十年至一千八  
百八十二年每股得利息銀計一八  
仙諸商商賜顧者請至本行與商  
可也 大清光緒九年 月 日  
英一千八百八十三年八月廿七號  
毛質德公司謹啟

啟者現本  
新由上海  
到活字  
石印各  
書甚多約計  
百餘種茲以  
廉價發售諸  
君欲採辦者  
請到本館  
選購至其  
書目太繁不  
能殫述  
另列單  
呈白覽可也  
本館謹啟



匪徒被獲 ○廿二夜午車水列等差等執獲盜匪二名其一業已受傷昇送西醫院中調治聞該匪係於戲園後街行竊蓋該處有空屋數間曠無人居有匪三人於是夜匿於樓中迨至十一點鐘時欲越壁至鄰舍行竊詎為所覺即鳴捕拘之諸匪見事不成乃相與潛遁有一匪緣瓦至鄰家失足墮地致受重傷遂為執獲復有一匪匿於樓中亦遭搜獲所餘一匪則已潛逃矣現此案因該匪受傷未痊故猶未解送公堂審訊也

待訪失主 ○廿二夜有巡差在芳林巴風地方執獲竊匪一名因該匪盜竊椰油四箱深夜獨行差見其情形可疑因執問之匪面色陡變支吾不能對差以為盜乃執之廿四日府尊提訊係盜竊無疑惟不悉失主為誰礙難定讞乃命將案押候廿八日再行提訊以俟訪查失主到案認贓該犯即押候候審不許具保云

一日三夫 ○牛車水有某校書年近花風之數而丰韻宜人不能不穠修短合度善於修飾艷粧素服皆能使見者魂消於俯仰度曲之時能以柔靜取媚臺離帶帶載言彼獨能深默不佻支頤作倦態客有與之私語者則溫柔婉轉令人可憐又能自作新聲歌喉如脆即小紅低唱無此之工也惟賦性淫冶於酒醺燈灺之候低帷暖枕之時則蕩態柔情甚於武媚娘之秘笈然而善窺客意非輕以相投苟非其人則終夜掩飾種種羞怯之狀別有一副性格以蠱惑其人青樓之中獻媚誠情固屬若其長技而究不如彼之揣摩較熟也所最憾者厥有三客一為潮人二為閩人俱與彼有啣臂之誓終身以之該妓控制如心未嘗稍有疎忽故三客皆不知其別有他屬嫖之愈深妓從而魚肉之於三客之中遇而復始故腰纏漸裕有厚積焉乃欲壑將盈亟思勇退而默念三客腰囊俱厚次藉脫籍之說以謀其資於是編為言詞向三客說謂於某日當脫平康之籍以出火坑奈各欠未償難以如願如肯永作夫婦則當代謀如是云云分向客說三客皆為所惑各取金與之歸而自謀預作藏嬌之屋至日三客俱以贖妓自詡置酒邀客意興甚豪不料妓於是日已別有鴿枝其房內之鋪陳已搬遷殆盡而藏香之洞即漁人猶不知其津涯三客意與索然咸呼荷荷所最可笑者三客皆到觀面共訴方知為妓所惑固同病焉

檳烟總數 ○赫總稅務司因進口洋藥改由稅務司稅釐併征遂通飭各海關按三個月為一結開具清摺轉報總署及戶部查核刻將粵海潮州瓊州北海閩海廈門滬尾打狗江海鎮江九江江漢東海津海山海蕪湖宜昌臨海等十九關自本年二月初九日起至五月初十日止為一百零七結計征收華商稅銀五萬八千三百餘兩洋商稅銀二十八萬三千五百餘兩共得銀三十四萬一千九百餘兩華商釐銀十五萬六千五百餘兩洋商釐銀七十五萬八千四百餘兩共得銀九十一萬五千餘兩云

就贖期近 ○劉淵亭軍門入關而後裘葛數更欽奉 恩綸補授南澳鎮總兵雖殷懋 闕之忱未遂瞻 天之願前閱海報知所部福軍近正汰弱留強藉節餉糈粵東之昇平也久矣銷金甲而事春農帳下健兒歡聲雷動今又探悉粵東總督張孝達制軍奏稱南澳鎮劉承福請俟裁營事竣即行一陞見等因一摺奉 硃批着照所請該部知道欽此從此海外小臣不隔 君門萬里何榮如之

破艦修成 ○中法馬江之役閩中戰艦悉數轟沉迨和議既成重將破船起出中水次第察驗凡可以修補者即在船廠與修刻聞已有鐵艦數艘大工告竣下水試行由省憲派派員駕駕委員並招募炮勇水兵等以資訓練至其當時陣亡之弁勇應給卹銀每歲分上下半年由道憲給發刻屆丁亥年第二次給發之期故又大張示諭着各該家屬各持前給 恩卹文憑附稟赴署由道憲察核後即將卹銀給交以資贍養云

調鎮餘聞 ○海壇鎮軍與澎湖協鎮對調一節屢登本報茲聞海壇中軍遊擊與澎湖左營都司對調海壇右營守備調澎湖左營守備其海壇右營兵丁則裁去二十名撥歸澎湖左營募補吳總兵則暫署海壇協副將原任澎湖協鎮蘇吉良年老多病難勝調任故鎮臺一缺當另請 簡放至海壇鎮閩安二營則撥歸福甯鎮節制以一事權云

讒口為雷 ○中國前在英國阿姆斯脫耶廠定造戰船時福建船政大臣曾派張林二委員往英督造二委員以天涯作客顧影淒涼因各娶英婦一人比將船駕駛回閩船主係英國人見廠中所派二委員有官場習氣心甚輕之到閩後船主先唆林婦謂汝以英女而嫁於華人非惟異服異言難免他人齒冷即就人情而論我英國豈無玉鏡臺而失身他邦哉為今之計不如下堂求去快婿重尋方洗昔年之恥也乃婦頗知從一而終之義離閩者再三陳說舌吐蓮花而百折不回心堅如石船主遂控於英領事謂此事有違國家定章請拘婦押發回籍領事立即照會華官關傳該婦林委員到案爭辯婦亦矢願從林領事無可如何草草了結殊聯璧合依舊唱隨而張婦尚在船中也婦本英商女宜中頗富船主亦勸令與張離異婦不聽船主乃勒住行裝不許夾帶登岸婦心生一計伴許船主肯返英邦惟須付我二百金以為路費船主允之婦又思船主如此勒阻我須暫赴香港再行乘船來閩然後仍與為難則若何惟有逕返國中聊且躲避俟事過後挽母氏護送來華以圖長聚於是挾查附輪而去迄今為時已久未識多情張敵尚能故劍重尋否耳按以上皆見諸益聞錄其真其偽本館不敢與知也

暹日立約 ○日本報云暹羅現欲與日本訂立和約其王子刻在歐洲遊歷西歷八月十九號由雲哥華地方前往日本大約日開即可行抵日京立和約條款矣

暹日立約 ○日本報云暹羅現欲與日本訂立和約其王子刻在歐洲遊歷西歷八月十九號由雲哥華地方前往日本大約日開即可行抵日京立和約條款矣

為友復讐 ○修髮匠甲乙二人皆籍台州之黃岩光緒初年甲奉母至杭城設肆而乙為之夥始甚相得繼因支派工資不合起畔白  
宿本好勇鬥狠乙至是竟克白刃刺甲倒地甲母出救亦手刃乙見甲母子俱死棄刃而逃當經鄰保稟縣臨驗因無屍屬主控且兇手在逃  
遂姑置之時甲同鄉某丙亦在杭操盤春業聞其事以友誼故屢投縣署請為緝兇論抵官雖面允之亦惟行文海捕而已越年餘事傳乙乃復  
出近在湖濱之新市鎮仍操舊業載以來竟忘前事月初某日丙忽至乙本與素識惟閱年既久面目都非叩問始悉乙愕然不得已備酒置  
看足恭款待極意趨奉酒半丙謂乙曰子之來意汝知之乎乙以不知對曰試猜之乙默然乃曰實告汝子為死友復讐來也痛自吾友一門慘  
死後告官不獲尋汝無踪而復讐之念未嘗一日去諸懷因出晶瑩匕首一指示乙曰此物摩厲以須已將十稔今日及鋒而試庶可慰死友於  
地下矣言大聲色俱厲一躍而起操刃直前乙猝不及避破腹而死丙乃懷刃逕詣烏程縣署擊鼓自首董明府臨驗研訊命暫收禁待辦噫今  
世友道日非不願復見讐讓之行且於賤業中得之雖非正軌然亦可以為世風

棺船鬧事 ○保大輪船之失事也在烟臺附近成山洋面觸礁而損該處係山東永清縣境傍海居民見有損船蜂擁而上竟將船中  
百料搶獲一空縣尊聞知即率差捕民壯百餘名前往彈壓因路途窵遠不能即回縣城遂於是處廟中暫住該處鄉民兇悍性成藐視官長當  
夜約集十七保鄉民二三千人圍繞縣尊百般挾制縣尊知勢不能敵從眾所請親筆書壞船失物之事與此地鄉民不涉云云眾言尙不足懣  
非蓋印不可縣尊諒以此大非帶印公出安得有印可蓋眾言若是則請印手模或足跡否則不放回城縣尊無法與之婉商飭家丁既城取印  
來蓋印始散去然已被困三天百般凌辱矣同城立赴烟臺向道憲哭訴道憲大怒飭發道標兵兩哨往查鄉民見兵數不多與之抗拒查辦之  
員見勢不佳恐成大禍遂飭退標兵電達道憲道憲知事不得了電請旅順口駐札之宋軍門發隊往查軍門得電即發一營前去鄉民又謠言  
謂今有大兵來此剿洗十七保人民遂驚惶無措各自奔逃甚至伶仃婦女有投井者有自縊服毒者不知此事如何了結也

京報選錄 ○陝西學政臣林啟榮 奏為恭報科並試之榆林延安漢中興安四府綏德鄜州商州三州一律完竣仰祈 聖鑒事  
竊臣於上年五月十五日業將西安同州鳳翔乾州邠州五屬歲試情形專摺具奏奉 旨知道了欽此嗣於五月二十七日自一原起程按試  
榆林次試綏德次延安次鄜州八月二十九日回署又於本年二月十九日出棚按試漢中大試興安次商州五月三十日回署由北山榆林延  
安綏德鄜州二府 州南 之漢中興安商州二府一州俱係照例歲科並試現已一律完竣取士如額北山自兵荒以後榆林綏德生聚稍煩  
延安鄜州兩屬元氣未復讀書寥寥南山人物蕃昌漢中應試人數眾多興安商州亦復不少文風以興安為最榆林漢中綏德次之南州又大  
之鄜州延安較遜士習則榆林最為顯赫其餘亦皆樸實惟漢中興安地處楚蜀五方雜處防弊較各屬稍難而漢中尤甚臣按臨所致先期嚴  
飭各教官稟保認真稽查凡有槍替跡考招搖撞騙等弊皆立交提調官分別懲辦諸士子向知守法頗極安靜武童弓馬技藝則以漢中之南  
鄭城固寧羌興安之安康漢陽為最延安之安定綏德之米脂次之其餘可觀者亦尙不乏人至武童應試人數之多與重名跨考之弊亦 漢  
中為最人情強悍動輒糾眾鬥毆臣嚴切曉諭並責成各業師飭其約束門徒較射時嚴定場規有犯必懲重名者立即扣除諸童亦知敬畏始  
終帖然無敢滋事臣仍於發落時文則勉以勤學教品武則諭以安分自愛並飭各教官加意訓迪俾資造就人材以真仰副 聖主教育生成  
之至意再臣所過地方北山一帶秋收方竣今春雨澤應時南山各屬二麥豐熟稻禾暢茂民情均極靜謐堪以上慰 宸廑所有榆林延安漢  
中興安四府綏德鄜州商州三州歲科並試一律完竣各緣由謹繕摺具奏現餘西安同州鳳翔乾州鄜州五屬科試統俟各該府州考試報竣  
臣即定期次第按試合併陳明伏乞 皇太后 皇上聖鑒 奏奉 硃批知道了欽此 ○邊寶泉片 再光緒十二年六月初五日准總  
督內務府咨奏派河南探辦各色汴縐三百疋汴縐二百疋汴縐二百疋本色棉綢三百疋大布三千疋等因當經行司遵辦茲據布政使劉瑞  
祺派員先探辦得各色汴縐二百疋汴縐二百疋本色棉綢二百疋大布二千疋作爲頭一兩批定於本年七月初十日委員管解  
起程前赴內務府衙門交納並開具色樣價值清單呈送前來除清摺咨送內務府查照仍催令藩司轉飭辦齊續解外理合附片陳明伏乞  
聖鑒 奏奉 硃批該衙門知道欽此 ○邊寶泉片 再光緒十二年正月二十日准戶部咨奏派豫省探辦南陽縐一千疋汴縐一疋  
解庫交納等因當經行司遵辦茲據布政使劉瑞祺派員探辦齊全定於本年七月初十日委員管解起程前赴內務府衙門交納並開具色樣價值清單呈  
送前來除清摺咨部外理合附片陳明伏乞 聖鑒 奏奉 硃批知道了欽此 ○奴才宗室福慶等謹 奏為遵 旨保獎拿獲賊境游勇  
暨勇移劫巨盜出力員弁懇懇 恩施破格獎勵以昭激勸恭摺仰祈 聖鑒事竊奴才等前因地面不靖時有巨盜盤踞結夥行強訪係各省  
遣勇游蕩無歸流而為盜去歲曾經督員緝獲巨盜杜格五等多名交刑部審辦仍飭飭旗營員弁隨時嚴密緝拿此次又據此營參將王山  
寬等督飭守備王漢池千總邢安把總張成等會同左翼翼尉連祥南營參將張殿魁暨司坊紳董等在 京畿昌州等處並越境前往山東  
東阿等縣地方將聚眾搶劫擾害地方之游勇暨聚眾保元等巨盜十五名先後拿獲經奴才衙門研訊供招於本年六月十八日請 旨交刑  
部審辦並附片懇 恩准由奴才等將拿獲此案出力員弁先行擇尤保奏均奉 旨依議欽此仰荷 聖主恩施微勞必錢奴才等自應遵  
旨保獎以勵人材將尤為出力之管翼員弁酌擬請 賞翎枝升銜升階以昭激勸隨同獲盜出力員弁由奴才衙門存記以應升之階升用

送前來除清摺咨部外理合附片陳明伏乞 聖鑒 奏奉 硃批知道了欽此 ○奴才宗室福慶等謹 奏為遵 旨保獎拿獲賊境游勇  
暨勇移劫巨盜出力員弁懇懇 恩施破格獎勵以昭激勸恭摺仰祈 聖鑒事竊奴才等前因地面不靖時有巨盜盤踞結夥行強訪係各省  
遣勇游蕩無歸流而為盜去歲曾經督員緝獲巨盜杜格五等多名交刑部審辦仍飭飭旗營員弁隨時嚴密緝拿此次又據此營參將王山  
寬等督飭守備王漢池千總邢安把總張成等會同左翼翼尉連祥南營參將張殿魁暨司坊紳董等在 京畿昌州等處並越境前往山東  
東阿等縣地方將聚眾搶劫擾害地方之游勇暨聚眾保元等巨盜十五名先後拿獲經奴才衙門研訊供招於本年六月十八日請 旨交刑  
部審辦並附片懇 恩准由奴才等將拿獲此案出力員弁先行擇尤保奏均奉 旨依議欽此仰荷 聖主恩施微勞必錢奴才等自應遵  
旨保獎以勵人材將尤為出力之管翼員弁酌擬請 賞翎枝升銜升階以昭激勸隨同獲盜出力員弁由奴才衙門存記以應升之階升用

送前來除清摺咨部外理合附片陳明伏乞 聖鑒 奏奉 硃批知道了欽此 ○奴才宗室福慶等謹 奏為遵 旨保獎拿獲賊境游勇  
暨勇移劫巨盜出力員弁懇懇 恩施破格獎勵以昭激勸恭摺仰祈 聖鑒事竊奴才等前因地面不靖時有巨盜盤踞結夥行強訪係各省  
遣勇游蕩無歸流而為盜去歲曾經督員緝獲巨盜杜格五等多名交刑部審辦仍飭飭旗營員弁隨時嚴密緝拿此次又據此營參將王山  
寬等督飭守備王漢池千總邢安把總張成等會同左翼翼尉連祥南營參將張殿魁暨司坊紳董等在 京畿昌州等處並越境前往山東  
東阿等縣地方將聚眾搶劫擾害地方之游勇暨聚眾保元等巨盜十五名先後拿獲經奴才衙門研訊供招於本年六月十八日請 旨交刑  
部審辦並附片懇 恩准由奴才等將拿獲此案出力員弁先行擇尤保奏均奉 旨依議欽此仰荷 聖主恩施微勞必錢奴才等自應遵  
旨保獎以勵人材將尤為出力之管翼員弁酌擬請 賞翎枝升銜升階以昭激勸隨同獲盜出力員弁由奴才衙門存記以應升之階升用

送前來除清摺咨部外理合附片陳明伏乞 聖鑒 奏奉 硃批知道了欽此 ○奴才宗室福慶等謹 奏為遵 旨保獎拿獲賊境游勇  
暨勇移劫巨盜出力員弁懇懇 恩施破格獎勵以昭激勸恭摺仰祈 聖鑒事竊奴才等前因地面不靖時有巨盜盤踞結夥行強訪係各省  
遣勇游蕩無歸流而為盜去歲曾經督員緝獲巨盜杜格五等多名交刑部審辦仍飭飭旗營員弁隨時嚴密緝拿此次又據此營參將王山  
寬等督飭守備王漢池千總邢安把總張成等會同左翼翼尉連祥南營參將張殿魁暨司坊紳董等在 京畿昌州等處並越境前往山東  
東阿等縣地方將聚眾搶劫擾害地方之游勇暨聚眾保元等巨盜十五名先後拿獲經奴才衙門研訊供招於本年六月十八日請 旨交刑  
部審辦並附片懇 恩准由奴才等將拿獲此案出力員弁先行擇尤保奏均奉 旨依議欽此仰荷 聖主恩施微勞必錢奴才等自應遵  
旨保獎以勵人材將尤為出力之管翼員弁酌擬請 賞翎枝升銜升階以昭激勸隨同獲盜出力員弁由奴才衙門存記以應升之階升用

協同獲盜司坊紳董及州縣地方官擬各行會該衙門自請獎賜分繕清單恭呈 御覽再此大拿獲之盜犯較尋常槍劫之案情形繁重因該員等破獲多名是以擬保從優請 旨可否 飭下兵部毋庸照章核減出自 皇太后 皇上逾格鴻慈謹將酌獲獲盜人員恭摺具奏伏乞 慈鑒訓示施行謹 奏奉 旨已錄 ○頭品頂戴河南巡撫臣邊寶泉跪 奏為查明通判中邪自戕恭摺仰祈 聖鑒事竊據祥符縣驗報試用通判劉春地在寓中邪自戕身死等情當經批飭查訊去後茲據署臬司鞠捷昌會同藩司劉瑞祺轉據署兩封府 府陳桂芬等詳符縣知縣朱升吉查訊明確詳覆前來臣覆加查核緣劉春地籍隸安徽阜陽縣由試用通判來豫候補光緒十三年閏四月十四日夜劉春地忽爾中邪自言自語旋即安睡家丁邢俊亦即歇息十五日早邢俊聽聞劉春地喊叫趕往查看勸春地已用小刀連傷其右手大指心坎肚腹邢俊迂攔將刀拔出救治詎劉春地傷重旋即殞命報驗訊通詳關傳屍子劉樹勳訊與原報相符由府司查無起疑別故詳覆前來查試用通判劉春地委因中邪自戕身死與人無尤應無庸議家丁邢俊救阻不及亦免置議無干省釋屍棺飭領理葬除供看咨部外理合恭摺具陳伏乞 皇太后 皇上聖鑒謹 奏奉 硃批該部知道欽此

兩國雜貨出投

○啟者茲承刺勿釐雜貨公司之命定於西本月十二號即華本月二十六日禮拜三上午十點半鐘在刺勿釐之公司拍賣婦女所用之布疋及玩器等甚多巧妙異常 諸君合意者請屆期 玉臨投買是荷  
大英一千八百八十七年十月十二號 吉靈館主謹啟

實勝越富碼招商

○啟者茲實勝越富碼將次屆期茲欲招商承充該碼以三年為期由西一千八百八十八年正月一號起至一千八百九十年十二月卅一號止倘 諸紳商等有欲承充此碼者可於西本年十二月一號即華十月十七日以前將投票寄至實勝越富碼時珍署內或本代理人處接收以憑棄取幸其踴躍特此預聞 大英一千八百八十七年十月十二號 代理實勝越富碼國家事務人然申洋行謹啟

承頂告白

○啟者本坡中街第三十四號門牌福源號原日合夥係作葉排公司生理開張有年基業鞏固現因股夥志欲別圖擬作分拆是以於本年六月終截止全請公親秉正即將全盤生理核算明白各執允中而舊股夥願將子母銀項領去清楚其福源號概歸與吳新科承受自受之後即將福源號生理遷移源順街第二十一號門牌德源內仍是作為福源字號生理所有舊底與各 寶號來往交易賬目倘有轉帳等情祈即移 玉至德源向福源理處庶歷潤自分甚感得直謹此佈告亦以各昭信誠而存古道云爾 佈  
大清光緒十三年八月二十五日 大英一千八百八十七年十月十一號 承受福源號吳新科敬啟

玉皇殿落成

○啟者芳林巴虱頂所建之 玉皇殿係虔供 玉皇上帝及諸天君之所殿宇業已落成曾經開光安座以備諸善信參拜凡我坡中及中國各籍人等有誠心往祭 玉皇上帝及諸天君者無論何時均可到殿參拜俾得善緣廣結福地同登有厚望焉  
大清光緒十三年丁亥八月二十五日 章苑生謹啟

車尼釐馬戲告白

○啟者本班所演各式戲劇色色從新并有馬騾獅象虎豹等均能教練馴熟用之演劇奇妙異常前曾在本地開演業蒙 諸君獎譽良深近年遊遊四方現已於十九日由香港啟行來坡計程於廿四日禮拜一即能抵埠旋在陞旗山下拓地開場以備諸君子惠臨觀玩屆期當再行通佈先此預聞 大英一千八百八十七年十月六號 車尼釐馬戲班謹啟

召頂告白

○啟者本號所有貨物並一切家器等件均欲出頂與人 諸親友倘有合意承購者請祈移玉面酌謹此告達  
大清光緒十三年丁亥八月十九日 十八間後恒和祥謹啟

烟土出沽

○啟者茲本號存有第九帶鴉牙烟土一百箱並有第十帶之烟土浮水一百箱茲欲出售於人價甚相宜 諸君有合意者請即 惠臨購買可也 大清光緒十三年丁亥八月十四日 舊巴虱益昌號 劉壬寅 劉傳祿同啟

贈送陰疫藥散

○近來叻地陰疫盛行患此症者上吐下瀉或瀉而不吐腹或微痛或不痛初起不過四肢疲倦未幾即遍身發冷自汗淋漓面青唇青其脈或微弱或沉遲或則轉筋吐沫患此者最危急最急偶失醫治不過時許遂即殞命良足悼也今叻地患此症而死者實繁有徒余惻然憫之乃詳究氣運之陰陽察合病情之表裏嚴搜藥物配製臣用治陰疫凡解服者無不獲痊故特製此贈送於人非敢邀天之功而延己之譽也實不忍看生靈斯浩劫故為是舉以冀挽回於萬一耳但余一人之力薄所製無多倘好善 諸君欲拯蒼生者不妨來問此方廣為製造是亦無量之功德倘 諸君有患此者可到本館賬房內領取此散不受分文但須與上所列之症有合而後可服勿亂投也  
大清光緒十三年丁亥八月初一日 叻報館內葉季允謹識

大清光緒十三年丁亥八月初一日

叻報館內葉季允謹識

